

Загъсчнр бас дөнънджәнә

„Колхозн тосхлтин цаарандк делгрлтин болн машинн-тракторн станцсин бӯрдәмджиг онъгдаруллгъна тускар“ СССР-н Деед Советин сессий деер Н. С. Хрущевин кех докладин тезисмӯдин туск кӯүндвр Каспийск районд өргнәр делгрдж кегддж йовна.

Көдлмшчнрин, цергләчнрин болн колхозникудин олна хургудт ут-турштан 3 минъгъшаху улс орлцв, зу-гар кӯн босдж үг келв. Олна кӯүндврт тәвгдджәх партин болн правительствин документиц аглагъан гарчах, чик документс гидж цуг кӯч-көлсчнр таасджацхана.

Каспийск района загъс анъндг предприятис, МРС-н бӯрдәмджиг онъгдарулад, цуг техникиг загъс анъндг колхозмудт өгхмн гидж тоолджацхана.

Е. БАРБАЧКОВА.